

詩

經

小

學

詩經小學卷第二

金壇段氏

小雅

周道倭遲

漢書地理志周道郁夷 按尚書宅嵎夷五帝本紀
作居郁夷

翩翩者騅

爾雅釋文佳如字旁或加鳥非也 按釋文誤也說
文騅祝鳩也从鳥佳聲祝鳩即爾雅騅其鳩鵒之鳥
亦名鵒鳩

鄂不韡韡

傳鄂猶鄂鄂然 按鄂字从卩𠬞聲今詩作从邑地名之鄂者誤也馬融長笛賦不占成節鄂李善注鄂直也從邑者乃地名非此所施又引字林鄂直言也謂節操蹇鄂而不怯懦也从卩𠬞聲之字與从邑𠬞聲迥別坊記注子於父母尚和順不用鄂鄂郊特牲注幾謂漆飾沂鄂也典瑞注鄭司農云琫有圻鄂琫起轉人注鄭司農云環潏謂漆沂鄂如環也哀公問䟽幾謂沂鄂也沂鄂字皆从卩不从邑張平子西京賦作垠鋐韻書作圻𠬞國語甯鄂亦从卩圻鄂柞鄂

皆取廉隅節制意人字書遺鄂字說文無萼字萼下引萼不萼萼即之誤也郭注山海經云一曰柎華下鄂漢晉時無萼字故景純亦作鄂

外禦其務

春秋內外傳引詩外禦其侮爾雅務侮也按言務爲侮字之假借

飲酒之飫

韓詩飲酒之醺廣韻十虞醺能者飲不能者止也

按說文醺私宴飲也正與毛傳飫私也合

矧伊人矣

說文張从矢引省聲

坎坎鼓我

說文引詩鞀鞀舞我乃記憶之誤

俾爾單厚

傳單信也或曰單厚也 按釋詁亶信也是毛以單爲亶之假借也又逢天俾怒傳俾厚也正義釋詁云亶厚也某氏曰詩云俾爾亶厚

禴祀烝嘗

說文作禴禮王制春曰禴鄭注引詩禴祀烝嘗

神之弔矣

說文通至也

象弭魚服

說文箛弩矢箛也从竹服聲周禮仲秋獻矢箛按
周語檠弧箕服鄭注周禮引檠弧箕箛

檀車幘幘

釋文幘幘韓詩作綌綌按說文綌偏緩

鱣鯨

說文魴魚名出樂浪潘國从魚沙省聲爾雅鯨鮪釋
文本又作魴

且多

按且此也箋云酒美而此魚又多也

一朝右之

傳右勸也與楚茨傳侑勸也同是以右爲侑也說文
侑耦也或作侑釋詁酬酢侑報也

我是用急

鹽鐵論引詩我是用戒顧寧人云當從之戴先生曰
戒猶備也治軍事爲備禦曰戒譌作急義似劣於韻
亦不合按謝靈運撰征賦宣王用棘於獫狁是六
朝時詩本有作我是用棘者釋言懾褊急也釋文懾
本或作恆今本作極譌又作亟詩匪棘其欲箋棘急也正

義曰棘急釋言文禮器引詩匪革其猶注革急也正
義曰革急釋言文素冠傳棘急也正義曰棘急釋言
文彼棘作械今本作戒譌音義同然則械恆亟棘革戒六
字同音義皆急也此詩作棘作戒皆協今作急者後
人用其義改其字耳

于三十里

三十唐石經作卅三十維物終三十里皆同 按二
十并爲廿讀如入三十并爲卅讀如跋即反語之始
也秦琅邪刻石文維廿六年梁父刻石文廿有六年
之罘東觀皆云維廿九年會稽云卅有七年皆四字

爲句唐石經詩三十作卅是三字爲句不可從也廣韻云廿今直以爲二十字卅今直以爲三十字蓋唐人仍讀爲二十三不讀入讀跋耳

織文鳥章

毛無傳蓋讀與禹貢厥匪織文同鳥章帛棧皆織帛爲之鄭箋易爲微識則當作識文今本皆作織文者誤識微識也識幟古今字許君說文鄭君周官注皆作微識後人別製幟字貞觀時僧元應一切經音義曰幟字舊音與知識之識同更無別音

白旆央央

出其東門正義曰傳言荼英荼者六月云白旆英英
是白貌茅之秀者其穗色白公羊宣十二年注繼旆
如燕尾曰旆疏曰繼旆曰旆孫氏云帛續旆末亦長
尋詩云帛旆英英是也 按從孫炎注作帛旆爲善
此正義云以帛爲行旆又充旗之帛皆用絳言帛旆
者謂絳帛猶通帛爲旆亦是絳也然則孔氏作正義
時經文原作帛旆而出其東門疏引白旆英英明荼
是白色周禮司常疏引白旆央央明旆不用絳由疏
不出一人之手唐初本已或誤作白也今當據正義
六月及公羊疏改定白旆爲帛旆其央央亦當改英英

又按釋名白旆殷旌也以帛繼旒末也其語自相乖
違不貫明堂位殷之大白周之大赤周禮建大赤以
朝建大白以即戎大白非帛旆也釋名既依明堂位
云綏有虞氏之旌也綏夏后氏之旌也其下當云大
白殷旌也大赤周旌也乃全又其下當云旆以帛繼
旒末也乃與爾雅釋天毛詩傳相合今釋名乃缺誤
之本

如輶如軒

按軒輶即軒輶既夕禮鄭注輶輶也作輶考工記大
車之輶輶作輶詩作輶說文有輶無輶輶潘岳射雉

賦如輓如軒李善引此詩云輗與輓同

路車有輿

說文作輿五經文字作輿

按蜀都賦善注引毛萇

詩傳輿赤貌也是其字一本作輿也說文無輿字楚辭遠龍輿只

八鸞璫璫

有女同車終南庭燎皆作將將又烈祖約祗錯衡八鸞鸞載見條章有鸞皆作鸞又韓奕八鸞鸞鸞禮記玉鸞鳴也皆作鸞

駟彼飛隼

說文同雛一曰雛也。按雛也是驚也之誤。

其飛戾天

後漢書孔融上書薦謝該曰尚父鷹揚方叔翰飛注引鳩彼飛隼翰飛戾天誤也詩本作其飛文舉易字麗句耳

伐鼓淵淵

吳才老詩協韻補音序曰詩音舊有九家陸德明定爲一家之學開元中修五經文字我心慘慘爲操伐鼓淵淵爲鼙皆與釋文異乃知德明之學當時亦未必盡用

振旅闐闐

魏都賦振旅鉦鉦

蠶爾蠻荆

韋元成傳引荆蠻來威 按毛云荆州之蠻也然則

毛詩固作荆蠻傳寫誤倒之也晉語叔向曰楚爲荆

蠻韋注荆州之蠻正用毛傳爲說又齊語萊莒徐夷

吳越韋注徐夷徐州之夷也可證荆蠻文法又按吳

都賦跨躡蠻荆李善注引詩蠶爾荆蠻然則唐初詩

不誤左思倒字以與并精坳爲韻後漢李膺傳應奉

疏曰緄前討荆蠻均吉甫之功

毛刻不誤汪文盛注本譌倒作蠻荆

引蠻荆來威者俗人所改易也文選王仲宣詠遠竄

荆蠻注引毛詩蠢爾荆蠻亦誤倒禮堂按漢書陳湯傳引詩蠻荆來威

師古曰令荆土之蠻亦畏威而來是本作荆蠻

嘽嘽嘽嘽

韋元成傳引詩嘽嘽推推按廣韻韠韠車盛兒疑

漢書字誤

我車既攻

石鼓文我車既工

薄狩于敖

後漢安帝紀注引詩薄狩于敖俗刻今改為搏而狩

字不改毛刻作薄狩冊府元龜王氏詩考引作薄狩
水經注濟水篇濟水又東逕敖山詩所謂薄狩于敖
者也作薄狩東京賦薄狩于敖作薄狩薛注引詩薄
獸于敖薄字不誤獸字係妄改後見惠定宇九經古
義引徐堅初學記作搏狩又引何休公羊注高誘淮
南子注漢石門頌證狩即獸字故箋云田獵搏獸也
若經作搏獸箋不已贅乎王裁始曉然於經文本作
薄狩鄭訓狩爲搏獸釋文云搏獸音博舊音傳乃爲
鄭箋作音義非釋經也初學記意主對偶故以薄狩
大蒐爲儷猶上文三驅一面下文晉鼓虞旗皆是也

今本作搏狩乃淺人妄改初學記云獵亦曰狩狩獸也鄭箋言田獵搏獸也此經作薄狩之確證惠君尙未考明薄字

赤芾金舄

傳舄達屨也 按複下曰舄單下曰屨達沓字古通用是重沓之義爾不於狼跋言之而於此言之者金舄謂金飾其下其上則赤也達屨蓋漢人語如此孔冲遠不得其旨而強爲之說

決拾既飲

傳飲利也箋云飲謂手指相次比也 按說文亦曰

伙便利也引詩決拾既伙鄭注周官繕人引挾拾既次是毛作伙鄭作次也

助我舉柴

說文掌積也詩曰助我舉掌掇頰旁也从手此聲骨部鳥獸殘骨曰觝西京賦收禽舉觝薛注觝死禽獸將腐之名

徒御不警

唐石經誤作不驚今本因之文選陸士衡挽歌詩夙夜警徒御注引毛詩徒御不警今俗刻作不驚

儻儻俟俟

說文作𠂔𠂔𠂔𠂔韓詩作駘駘駘駘後漢書注引韓詩作俟俟誤

變聲噦噦

說文引詩鑾聲鉞鉞按采菽鸞聲嘒嘒泮水洞庭燎鸞聲噦噦

念彼不蹟

說文迹步處也从辵亦聲或作蹟籀文作速按以古韻諧聲求之束賁在第十六部亦在第五部速蹟爲正字李陽冰云李丞相以束作亦迹字制於李斯也

可以爲錯

按錯爲厝之假借字

靡所底止

說文广部底山居也下也从广氏聲广部底柔石也从广氏聲或作砥 按物之下爲底故至而止之爲底如尚書震澤底定孟子瞽瞍底豫詩靡所底止伊於胡底皆是也若底砥字同爲底厲說文明析可據而經書傳寫互譌韻書字書以砥注礪石也底注致也至也皆不察之過又或臆造說文所無之底底字如靡所底止詩本音從叢氏詩緝作底謬極爾雅底

止釋文云字宜從厂或作底非此陸氏誤也爾雅釋

詁底待也底止也即說文广部字詩祈父靡所底止毛傳底至也小旻伊於胡底箋云底至也晉語四房久將底韋注底止也玉篇廣韻皆云底止也下也是爾雅釋言底致也即說文厂部字書禹貢震澤底定孔傳曰致定夏本紀作震澤致定孟子離婁上瞽瞍底豫趙注底致也孫宣公音義作底之爾反玉篇廣韻皆云底致也平也是凡加工致平曰底故訓致訓平與底厲為一字與底止為二字記此俟面質之

在彼空谷

按毛詩作空谷非直與韓詩異文直是譌字釋詁言大也毛傳正用其語今誤為空大也古無是訓孔冲遠遷就其說曰以谷中容人隱焉其空必大故云空大非訓空為大蓋知空之不得訓大矣

君子攸芋

傳芋大也 按蓋訐之假借也周禮大司徒燬宮室
注云謂約椽攻堅風雨攸除各有攸字賈疏宇居也
如鳥斯革

張揖廣雅兼采四家之詩釋器云鞠毬翼也此用韓
詩韓作鞠與毛作革異字而同音同訓毛時故有鞠
字以假借之法訓之故曰翼也若訓革爲翼理不可
通廣韻鞠翅也古核切本韓詩也

載衣之裼

說文引作襜

按作裼字之假借也

不騫不崩

傳騫虧也正義曰崔氏集注虧作曜 按當從集注

後人不解曜字因改之耳天保傳不虧言山此傳不

曜言牛羊也考工記大冑曜後鄭注曜讀爲哨頃今

字作頃譌小也曜曜古通用

憂心如惓

說文𤇀小𤇀也从火𤇀聲詩曰憂心如𤇀 按𤇀𤇀

聲𤇀讀如飪今作𤇀干聲誤也小𤇀一作小𤇀或作

小𤇀皆非也憂心如𤇀作憂心𤇀𤇀更非釋文正義

於此句皆云說文作𤇀若依今本陸孔末由定爲此

句之異文蓋毛詩本作如𤇀或同韓詩作如炎不知何人始加心作惓惓憂也豈憂心如憂乎又於說文惓下妄加詩曰憂心如惓六字而毛詩之真沒矣此傳曰𤇀燔也瓠葉傳曰加火曰燔說文燔𤇀也𤇀小𤇀也𤇀加火也與毛傳合而今詩譌炎改惓雲漢如炎如焚傳炎燎也而今本亦譌惓矣

憺莫懲嗟

當作瞽

天子是毗

說文作𠩺人齋也今作毗通爲𠩺輔之𠩺此傳毗厚

也采叔傳脆厚也是函服又通用也

不宜空我師

傳空窮也 按七月傳穹窮也說文用之此空我師當作穹我師爲是傳譌抑或假借未可定也毛詩空谷韓詩作穹谷

四牡項領

傳項大也 按毛以項爲洪之假借字

胡爲虺蜴

說文易蜥易蜥蜴守宮也象形在壁曰蜥蜴在艸曰蜥易 按說文無蜴字方言守宮或謂之蜥易其在

澤中者謂之易蜴。蜴，蜥蜴也。郭注：蜴，皆音析。蓋蜴即蜥之或體。易蜴，即蜥易之倒文。猶螽斯亦曰斯螽也。說文：虺，下引詩胡爲虺蜥。今詩作胡爲虺蜴，蜴當讀析。虺，蜴即虺蜥也。俗用蜥蜴成文爲重複。古人言蜥易，釋文：蜴字又作蜥。

憂心惛惛

傳惛惛猶戚戚也。按惛在二部，戚在三部，音近轉。

注今本作慘誤。

藹藹方穀

按此眇彼有屋富者也。而方受祿於朝，民今之無祿。

三〇九二
三
榮獨者也而又君天之在位極之故曰哿矣富人哀
此榮獨眈眈二句非以屋穀爲儷也又蔡邕傳速速
方穀天天是加榮作輦天作天皆是譌字錢唐張賓
鶴云親見蜀石經作天天是蜀本誤耳

日月告凶

劉向引詩日月鞠凶 按古告鞠二字同部同音故
假借鞠爲告采芑傳鞠告也言鞠爲告之假借也

黽勉從事

劉向引詩蜜勿從事 按蜜勿爾雅作蠹沒古勿字
亦讀如沒蜜蠹同字今作密勿非也

悠悠我里

按傳里病也箋里居也釋文所引極明依爾雅痺病也郭云見詩則毛詩本作痺後因鄭箋改作里併改傳病字爲居字又爾雅痺憂也郭注引悠悠我里是一人所見本復不同耳

鋪堂按十月之交悠悠我里傳里病也爲痺字之假借雲

漢云如何里箋云里憂也爲痺字之假借三家詩當有作痺痺者毛詩作痺則皆後人所改鄭箋十月之交云里居也作如字讀可證王肅注雲漢云痺病也蓋竊取十月之交傳義改經以異鄭郭注爾雅痺憂也當引詩云如何痺今引作悠悠我里誤也

淪胥以鋪

按毛傳淪率也與諱義同而字異鄭箋鋪徧也韓作

痛病也則義字皆異而票之爲率者於音求之

聽言則荅

新序漢書皆作聽言則對 按對在十五部荅在七

部古借荅爲對異部假借也論語多作對孟子多作荅詩書以荅爲對皆屬漢後所改如聽言則荅新序漢書作對尙書奉荅天命伏生大傳作對可徵也

民雖靡盬

按鄭箋盬法也蓋以爲模字假借

不敢馮河

說文溯無舟渡河也从水朋聲馮馬行疾也从馬夂

聲 按馮河當作溯河字之假借也說文旡下引易
用馮河

翰飛戾天

韓詩翰飛厲天 按厲天猶俗云摩天

弁彼鸞斯

杜欽傳小卞之作 按古無卞字弁之隸變也凡弁
聲反聲之字多省从卞

歸飛提提

說文𦏧翼也或作𦏧 按魏都賦𦏧𦏧精衛即提提
也善曰𦏧𦏧飛貌

尚或瑾之

說文引詩尚或瑾之 按左氏傳曰道瑾毛詩作瑾瑾塗也字之假借

亂如此幬

釋詁幬大也幬有也方言幬大也說文幬覆也 按

此傳云幬大也字从巾無聲幬爲大亦爲有郭注爾雅引遂幬大東是也亦爲覆鄭箋君子攸芋爲攸幬是也三義實相通斯干正義引亂如此幬郭注爾雅引亂如此幬今本作幬誤也釋言幬傲也亦與大義相近投壺母幬母敖此箋云幬敖也是鄭亦作幬後

人憮多誤憮如方言憮大也今作憮漢書君子之道
焉可憮也憮同也正與大義覆義相近今亦譌作憮
考爾雅憮撫也說文憮愛也字从心不得與憮溷憮
火吳反憮亡甫反

僭始既涵

按傳潛數也蓋以爲譜字

禮堂按一切經音義
五引詩譜始既涵

居河之麋

蒹葭在水之湄

哆兮侈兮

爾雅謠離也郭注謠兒詩邢疏云即侈兮之異文

按當爲哆兮之異文古哆謬同音也

緝緝翩翩

說文引詩旨旨幡幡 按旨旨即緝緝之異文幡幡二字當云翩翩而誤舉下章之幡幡猶引生民或春或召而誤云或簸或召也

驕人好好

按爾雅旭旭蹻蹻也蹻蹻釋板之小子蹻蹻也旭旭詩無其文郭音呼老反是爲毛詩好好之異文無疑匏有苦葉釋文引說文旭讀若好今說文作讀若助蓋後人臆改

作而作詩

釋文作爲此詩一本云作爲作詩 按爲字誤當是

一本云作而作詩也正義曰當云作而按舊無賦詩此而字

定本云作爲此詩據此則孔氏原是作而作詩也正

義又曰定本箋有作起也作爲也二訓自與經相乖

非也按經文作而作詩起也釋第一作字爲也釋第

二作字故下云孟子起而爲此詩定本既改云作爲

此詩而猶存此箋可考正義依古本作而作詩乃刪

作爲也三字誤矣此句一譌作爲作詩再改作爲此

詩一句內字同義異爲注以別之如昔育恐育鞠

箋云昔育之育稚也育鞠之育則從毛傳長也之訓
此箋與前正相類又如于以采繫于沼于汙傳繫皤
蒿也于於也分別于沼之于不同于以之于訓往
附我畜我

戴先生云畜當爲情說文情起也此箋畜起也明是
易畜爲情

杼軸其空

釋文柚本又作軸 按機軸似車軸故同名柚是橋
柚字因杼字从木而改軸亦从木非也 鑄堂按太元
杼削木爲軸杼軸既施民得以煥可證杼軸之軸本
不从木太平御覽四百八十四又八百二十五俱引

詩杵軸其空是唐
以前本皆从車

有冽沆泉

爾雅沆泉穴出穴出仄出也說文屨仄出泉也从厂
晷聲 按爾雅以仄出泉爲沆說文以水厓枯土爲
沆爾雅以水醮爲屨說文以仄出泉爲屨是沆屨二
字爾雅與說文互易其訓也

薪是穫薪

箋云穫落木名釋文依鄭則宜作木傍 按穫木名
同槔見說文

不可以服箱

李善思元賦注引詩說彼牽牛不可以服箱與下文不可以簸揚不可以挹酒漿句法一例箋云以用也不可用於牝服之箱爲下文二不可以舉例也各本脫可字

西有長庚

傳庚續也 按書益稷正義詩曰西有長庚毛傳以賡爲續賡庚同音而說文云賡古文續以爲即續字未詳

六月徂暑

傳徂往也箋云徂始也 按鄭蓋易爲祖字爾雅祖

始也今文尙書曰黎民祖飢

百卉具瘠

按李善注謝靈運戲馬臺詩則毛詩本作瘠韓詩作腓爲假借字今本毛詩誤從韓作腓非也

廢爲殘賊

按傳廢大也本釋詁文郭注爾雅引廢爲殘賊正用毛義箋云言大於惡申毛而非易毛也釋文作怵也

云一本作大也此是王肅義未之深察矣傳廢怵也

箋云言怵於惡郭注爾雅訓爲大用王肅義也陸氏之言最爲有據廢怵亦同在十五部

匪鶉匪鳶

說文鵞雕也从鳥敦聲詩曰匪鵞匪鵞 按今詩鵞
爲鵞之譌。鵞爲鵞之譌。說文無鵞字。鵞即鵞也。集韻
以鵞爲古鵞字。譌爲鵞。又譌入二仙。其誤已久。如曹
子建名都篇已讀如今音

祇自底兮

按釋詁底病也。說文底病也从尸氏聲。毛詩三用此
字爲韻。白華與卑韻。傳底病也。何人斯祇與易知簾
知斯韻。傳祇病也。此皆十六部本音。浩祇字爲之於
六書爲假借。無將大車傳亦云底病也。而與十二部
之塵韻讀若真。此古合韻之例。宋劉彝妄謂當作底

音民考爾雅說文五經文字玉篇廣韻皆無疾字集
韻始有非古元戴侗謂即瘖字之省不知瘖从疒昏
聲昏聲在十三部民聲在十二部桑柔瘖與慙辰韻
不得與塵韻也說文云昏从日从氏省氏者下也一
曰民聲按昏从氏省爲會意字非民聲瘖字昏聲不
得省爲痕也唐人避廟諱慙作慙珉作珉蠱作蠱顧
炎武以唐石經祇自底今爲諱民減畫作氏之字由
不知古今合韻之例而附會劉彝臆說以求得其韻也
張衡賦思百憂以自疾疾與底音近禮記畛於鬼神
鄭注畛或爲祇也又說文觥一作觥又古标氏讀如

權精於此可求合韻之理釋文疵兮都禮反是陸氏誤疵

日月方奧

爾雅燠煖也說文無燠字

鏞堂按古燠字多作奧書堯典厥民燠洪範時燠若

皆作奧者

以雅以南

後漢陳禪傳古者合歡之樂舞於堂四夷之樂陳於門故詩云以雅以南韎任朱離按韎任朱離自見毛詩傳陳禪合經以證四夷之樂而不知南任一也章懷謂韎任朱離蓋見齊魯詩誤

楚楚者茨

按古所云采薺疑卽楚茨采楚異部而音近也

我黍與與

釋文音餘 按張平子南都賦其原野則有桑黍麻

苧菽麥稷黍百穀蕃廡翼翼與與然則漢人讀上聲也

我庾維億

說文億安也从人意聲意滿也一曰十萬曰億从心
音聲洪适隸釋載泰山都尉孔宙碑樊毅修華嶽碑
司隸校尉魯峻碑並書億作音巴郡太守張納碑書

億作意小黃門譙敏碑書億作僣 按當从說文以

意爲億兆正字

獻酬交錯

傳東西爲交邪行爲錯 按說文作逡道經典中用

錯字多屬假借獻酬交錯應作逡道可以攻錯應作

攻厝錯綜其數應作縈綜舉直錯枉應作舉措考說

文逡逡也厝厲石也縈參縈也廣韻縈倉各切縈

綜亂也措置也錯金涂也何以報之金錯刀乃錯字

本義

考證

萬壽攸酢

說文酢醢也从酉乍聲醢客酌主人也从酉咎聲
按今俗所用與說文互異儀禮酬酢字作醕漢人注
經云味酢者皆謂酸也

我孔熯矣

按毛傳熯敬也本釋詁但熯字本義是乾貌非敬說
文懃敬也則此熯字是懃字之假借音而善反長發
傳懃恐也各隨其立詞釋之敬者必恐懼

如幾如式

薄送我畿正義曰畿者期限之名周禮九畿及王畿
千里皆期限之義故楚茨傳曰畿期也 按此當作

如畿如式

既匡既勅

廣韻敕誠也勅同今相承作勅勅本音賚 按說文
敕誠也勅勞勅也

鍾鼓送尸

今本多作鼓鍾考鼓鍾將將鼓鍾伐磬傳云鼓其淫
樂正義云鼓擊其鍾白華鼓鍾于宮正義亦云鼓擊
其鍾此篇上文曰鍾鼓既戒此不應變文宋書禮志
四兩引皆曰鍾鼓送尸正義云鳴鍾鼓以送尸是唐
初不作鼓鍾今本承開成石經之誤

神保聿歸

宋書樂志一引神保通歸又引注歸於天地也今鄭箋無地字

既霑既足

按疑當作既沾既浞說文沾沾益也浞濡也鄭司農注考工記曰脰讀如沾渥之渥漢曹全碑鄉明治惠沾渥

黍稷彧彧

說文穮有文章也从有惑聲惑水流也从川或聲按毛詩假彧爲穮隸省辟爲彧廣韻穮穮黍稷盛貌

從以駢牡

說文無駢

苾苾芬芬

以楚茨推之此句韓詩當作馥馥芬芬

倬彼甫田

爾雅葍大也說文葍艸大也

俗本誤作艸木倒

从艸到聲

按韓詩葍彼甫田詩釋文及爾雅疏引之俗本爾雅葍誤葍說文又譌作菽

或耘或耔

說文賴除苗間穢也或从芸作耔又耔作耔

以我齊明

說文齋黍稷在器以祀者五經文字齋或作黍同禮記及諸經皆借齊字爲之按此釋文云本又作齋是正字

以我覃耜

東京賦作剡耜說文剡銳利也亦是假借覃爲剡俶載南畝

箋云載讀爲菑粟之菑按管子春有以剡耕夏有以剡耘剡菑同也

不稂不莠

說文禾粟之莠

誤采

生而不成者謂之童

董誤

莠或作稂

去其螟螣

按螣本螣蛇字在六部借爲一部螟螣之螣此異部假借猶登來之爲得來也五經文字作螣今說文作

螣誤

秉畀炎火

釋文秉韓詩作卜

按卜畀猶俗言付與也爾雅卜

予也

有渰淒淒興雲祁祁

按詩人體物之工於此二句可見凡夏雨時行始暴

而後徐其始陰氣乍合黑雲如鬚淒風怒生衝波掃
葉所謂有淦淒淒也繼焉暴風稍定白雲漫汗彌布
宇宙雨脚如繩所謂興雲祁祁雨我公田也有淦淒
淒言雲而風在其中興雲祁祁言雲而雨在其中雨
字分上去聲後儒俗說古無是也上句言興雨下又
言雨我公田則無味矣英英白雲露彼菅茅興雲祁
祁雨我公田其句法字法正同雨我之雨必讀去聲
則露彼之露又將讀何聲耶於此知善善惡惡之類
皆俗儒分別而戾於古矣

伊寡婦之利

依鄭氏箋例求之此伊亦當作繫

君子樂胥

箋云胥有才知之名 按周官胥十有二人注胥讀爲誦謂其有才知爲什長此箋亦讀爲誦說文誦知也易歸妹以須之須鄭亦讀爲誦

實維伊何

此三章實字皆當爲寔箋云寔猶是也正讀實爲寔也小星箋寔是也韓奕則先易其字云實當爲寔而後云寔是也

樂酒今夕

大招以娛昔只王逸注昔夜也詩云樂酒今昔言可以終夜自娛樂也按春秋夜恒星不見穀梁夜作昔日入至于星出謂之昔昔者夕之假借字夕暮也从月半見夜與夕異時夜中星隕如雨之夜穀梁亦作夜不作昔王逸云昔夜也未爲明審

穀核維旅

班固典引肴覈仁義蔡注肴覈食也肉曰肴骨曰覈詩云肴覈惟旅蜀都賦肴櫛四陳

匪由勿語

按鄭箋則匪字本作勿後人妄改勿由爲匪由與上

匪言勿言成偶句耳箋云勿猶無也此總釋勿從謂
勿言勿由勿語四勿字又云俾使由從也武公見時
人多說醉者之狀或以取怨讎故爲設禁醉者有過
惡女無就而謂之也當防護之無使顛仆至於怠慢
也其所陳說非所當說無爲人說之也亦無從而行
之也亦無以語人也皆爲其聞之將恚怒也匪由之
本爲勿由顯然下由醉之言箋云女從行醉者之言
使女出無角之殺羊尤可證兩由字無二義相承反
覆戒之古文奇奧非可妄改所當更正也

感沸檻泉

按司馬相如上林賦作澤沸史記作澤淳說文當有
澤字今佚

駢駢角弓

說文解下引詩解解角弓釋文說文作弣 按蓋唐
時說文弣下引弣弣角弓今本佚也

民胥倣矣

左傳民胥效矣 按說文無倣

見覲曰消

按說文霽姓無雲也覲曰見也劉向引詩雨雪麋麋
見覲聿消師古曰見無雲也覲日氣也言雨雪之盛

庶庶然至於無雲日氣始出而雨雪皆消釋矣見字
不得訓爲無雲依顏注則劉向引詩見字作霽正同
韓詩師古時不誤後人妄改作見耳韓詩曠覲日出
也與說文覲日見也正同釋文引作曠見誤詩考作
覲

上帝甚蹈

箋云蹈讀曰悼 按檜傳悼動也此傳蹈動也則是
一字箋申傳而非易傳也

無自療焉

按箋云療接也以爲際字假借

英英白雲

韓詩作泱泱潘岳射雉賦天泱泱而垂雲徐爰注泱音英善曰毛詩英英白雲泱與英古字通

鼓鐘于宮

箋云鳴鼓鐘謂鼓與鐘二物也靈臺於論鼓鐘鄭云鼓與鐘也此詩正同孔云鼓擊其鐘誤

有豕白蹢

爾雅豕四蹢皆白豨蹢蹄也猶馬四蹢皆白首也或作四蹢皆白豨誤張參收蹢字入五經文字不精也何人不矜

三八六
按鴻雁傳矜憐也苑柳傳矜危也此蓋言夫人而危
困可憐不必讀爲鰥詩敝笱鰥與雲韻在十三部苑
柳矜與天臻韻何草不黃與元民韻桑柔與旬民填
天韻在十二部漢人十二十三部合用多借矜爲鰥
寡字而書堯典康誥無逸甫刑詩鴻雁孟子明堂章
皆作鰥不假借矜字惟烝民作不侮矜寡則漢後所
改而左傳昭元年引不侮鰥寡不畏彊禦固作鰥何
人不矜當從本字讀

詩經小學卷第三

金壇段氏

大雅

賡賡文王

或因說文無賡字欲盡改易詩禮記爾雅賡賡爲媿
媿者誤

摯仲氏任

傳摯國任姓之中女也又大任中任也 按毛經傳
皆作中古中仲通用如中興爲仲興是也今經作仲

譌

會朝清明

天問會鼂爭盟何踐吾期一作會晁請盟

自土沮漆

文選于令升晉紀總論帥西水滸至于岐下李善注

毛詩大雅文鄭元曰循西水涯漆沮

今本詩箋依經倒

側也

謂亶父避狄循漆沮之水而至岐下

鏞堂按孔氏正義本作自土漆

沮今疏中雖爲後人所改然尚有改之未盡者如釋經云於漆沮之旁釋傳云禹貢雍州漆沮既從是漆沮俱爲水也又漆沮爲一釋箋云幽有漆沮之水又是周地亦有漆沮也釋下率西水滸箋云上言漆沮此言循滸明是循此漆沮之側也又釋下周原膺膺傳云周原在漆沮之間以時驗而知之據此可知正義本作自土漆沮今釋文作沮漆恐非陸氏之舊

來朝走馬

玉篇趣字注詩曰來朝趣馬言早且疾也 按鄭箋

言避惡早且疾也早釋來朝疾釋趣字說文趣疾也

玉篇作趣馬野王據漢人相傳古本也 鑄堂按械樸左右趣之傳

趣趣也箋云左右之諸臣皆促疾於事彼箋程大昌以趣為疾與此正同可驗走馬之本作趣馬

顧炎武以為單騎之始誤趣音走亦音促

周原膺膺

廣雅釋言腓腓肥也據韓詩為訓也

董荼如飴

說文董艸根如薺葉如細柳蒸食之甘从艸董聲今

詩譌作堊

迺慰迺止

唐石經並作迺明馬應龍本乃召司空乃召司徒二
作乃餘作迺按說文迺乃異字異義俗云古今字
抹之隕隕

顧寧人曰說文引作抹之仍仍按廣雅釋訓仍仍
登登馮馮衆也即釋此詩然則隕有作仍者今說文
同詩未詳顧氏所本

削屢馮馮

按屢古作婁婁空也削婁謂削治牆空竅坳突處使

平長門賦離樓梧而相掌魯靈光殿賦嶽崱離樓說
文慶屋麗慶也囧牖牖麗慶闔明也離樓麗慶皆竅
穴穿通之貌

臯門有伉

說文阬闔也闔門高也五經文字阬門高廣韻四十
二宕阬門也按毛詩之伉古本作阬屈賦吾與君
兮齊遨道帝之兮九阬九阬謂廣開天門有九重也
維其喙矣

方言瘝極也郭注巨畏反今江東呼極爲瘝倦聲之
轉也廣韻瘝困極也詩云昆夷瘝矣本亦作喙方言

婦極也郭注今江東呼極爲殍音喙外傳曰余病殍
矣爾雅咽息也說文咽息也詩曰犬夷咽矣按國
語卻獻子曰余病喙韋昭注短氣貌咽兮者喙兮之
異文

追琢其章

周禮追師注引詩追琢其璋疏曰璋是玉爲之則追
與琢皆是玉石之名也按毛鄭是璋字

求民之莫

當作嘆

其灌其桮

說文櫨栝也詩曰其灌其櫨 按櫨當作櫨櫨木相磨也舊繫灌櫨一例不應此獨爲木名爾雅立死苗蔽者繫木相磨櫨疑是類釋此詩不言灌者已見上文矣

天立厥妃

惠棟曰當作妃各本作配誤 按傳妃嬪也正義引某氏注爾雅詩云天立厥妃是矣但謂毛讀配爲妃故云嬪也是未知經傳配字皆後人改妃爲配耳鍾堂
按毛詩作配爲假借三家詩作妃爲正字惠氏戴氏段氏未詳此爲古今文之異故說多誤

維此王季

左傳韓詩王肅作維此文王 按左傳釋比于文王
曰經緯天地曰文毛傳本之謂比于古者經緯天地
文德之王也如成王不敢康非成王康王箋云必比
于文王者德以聖人爲匹是鄭箋雖作維此王季而
比于文王亦非以父同子言之不順也惟樂記注云
言文王之德皆能如此而不引經緯天地曰文則爲
實指周文王所見詩亦是維此文王然禮注言文王
詩箋言王季說自不同

無然畔援

玉篇詩云無然伴換伴換猶跋扈也漢書項氏叛換

韋昭曰叛換跋扈也魏都賦雲徹叛換

誕先登于岸

箋云岸訟也按鄭意作狂

同爾兄弟

顧寧人曰伏湛傳引同爾弟兄入韻按王逸九辨注內念君父及弟兄也與上文長王煌黨並湯韻今譌爲兄弟則非韻矣

與爾臨衝

韓詩與爾隆衝按隆衝言限陣之車隆然高大也毛傳以臨衝爲二非說文輶陷陣車也从車童聲

執評連連

釋文又作評 按作評者誤爾雅評言也說文評問也無羊傳評問也出車傳評辭也采芑箋執其可言問所獲敵人之衆此箋執所生得者而言問之以言辭問訓評字與評字告義別

白鳥翯翯

說文雌鳥之白也 按景福殿賦雌雌白鳥

於論鼓鐘

漢以前論字皆讀爲倫中庸經論天下之大經易君子以經論

鼉鼓逢逢

釋文逢逢亦作諛

作諛諛

按淮南時則訓注引詩鼉

鼓洋洋

洋即諛諛

呂氏春秋有始覽注引詩鼉鼓諛諛衆

經音義引郭璞山海經注詩云鼉鼓諛諛是也

今山海經

注廣雅諛諛聲也

昭茲來許繩其祖武

傳許進繩戒

按續漢祭祀志注引謝沈書云東平

王蒼上言大雅云昭茲來御慎其祖武六月傳亦云

御進也據東平引作來御此傳訓爲進疑作許是聲

之誤惠定宇說同後見廣雅許進也本此傳則毛詩

本作許作御者蓋三家東平王作慎異字同義此爲轉注

通求厥寧

說文引作吹漢書敘傳幽通賦吹中飭爲庶幾兮文選作聿

築城伊減

按韓詩作洫則字義聲皆合矣史河渠書溝洫字亦作減

通追來孝

禮記引作聿

按古吹聿通字通用

履帝武敏

爾雅履帝武敏於敏字斷句王逸離騷注履帝武敏
歆於歆字斷句按毛傳敏疾也於敏字斷句爾雅
鄭箋敏悔也於歆字斷句古敏悔畝字同音皆在今
之止韻故爾雅舍人本作履帝武畝亦假借字也

先生如達

按鄭箋易字爲牽似太媿矣本后稷之詩不宜若是
傳云達生也以車攻傳達履之義求之蓋是達達生
也達沓字古通用姜原首生后稷便如再生三生之
易故足其義云先生姜原之子先生者也如樵彼桑

薪印烘于熅傳云印我也烘燎也熅挂竈也乃後足其義云桑薪宜以養人者也若依次訓釋則桑薪當在印上先生當在達上

實種實褒

傳種雍腫也 按當作離種漢書所謂一畝三畎苗生三葉以上墮壘土以附苗根比盛暑壘盡而根深能風與旱也正義引莊子離腫而不中繩墨擬不於倫且與實發相混

維秬維秠

山海經維宜芑芑穆楊是食郭注云管子說地所宜

云其種穆芑黑黍皆禾類也芑黑黍今字作禾芑
維糜維芑

按糜字說文所無於六書無當且從爾雅說文作藿
以歸肇祀

按箋云肇郊之神位也是以肇爲兆之假借也或少
當作兆三字禮記引下文作后稷兆祀周官經兆五
帝於四郊說文作埧肇从戈屮聲今本作肇非也考
書肇十有二州肇基王迹及此以歸肇祀后稷肇祀
釋文皆作肇玉篇支部肇俗肇字五經文字戈部肇
作肇訛唐石經此詩二肇皆从戈廣韻有肇無肇今

三〇五
本說文支部有肇字唐後人妄增入無疑凡古書肇字皆當改作肇

或春或掄

說文𠂔𠂔曰也从𠂔𠂔詩曰或籛或𠂔或作𠂔或作抗按周禮春人注儀禮有司徹注皆引詩或春或抗其字从手𠂔聲𠂔散之𠂔今在第九部古在第三部說文當云或春或𠂔而云或籛或𠂔者記憶之誤也今詩作掄者聲之誤也鄭氏注三禮所引蓋韓詩而說文序云詩毛氏則毛詩故作𠂔也

釋之叟叟

說文釋漬米也从米舉聲 按亦曰浙米亦曰汰米
唐石經誤作釋諸本承之

敦彼行葦

李善長笛賦注引鄭箋團聚貌

醢醢以薦

說文作監醢从血𩚑聲

嘉穀脾臄

說文谷口上阿也从口上各象其理或作啍或作臄
敦弓既堅

說文彊畫弓也从弓彊聲 按敦讀如追不讀彫猶

追琢其章不讀彫琢驚釋爲雕不讀雕字此異部轉注之理也

酌以大斗

釋文斗亦作料說文鍳酒器也或作𩚑

高朗令終

說文作脰

鳬鷺在涇

按此篇涇沙渚深壑一例不應涇獨爲水名鄭箋涇

水中也

今本誤作水名也

故下云水鳥而居水中是直接水

中二字改作水名則不貫矣下章傳沙水芻也箋云

水鳥以居水中爲常今出在水旁承上章在涇爲言
爾雅直波爲徑郭注言徑𡗗釋名水直波曰涇涇徑
也言如道徑也莊子秋水篇涇流之大兩涘渚洑之
閒不辨牛馬司馬彪云涇通也義皆與此詩合涇徑
字同謂大水中流徑直孤往之波故箋云涇水中也
因下章沙爲水旁故云水中以別之四章因三章渚
爲水中高地故云涇水外高地以別之蓋以涇爲崇
字之假借也

假樂君子

傳假嘉也 按維天之命傳離傳同假皆嘉之假借

字也

且君且王

釋文一本作宜君宜王 按趙壹窮鳥賦且公且侯
子子孫孫正用假樂詩意作宜爲俗本也

民之攸暨

正義釋詁云咽息也某氏曰詩云民之攸咽舊作暨郭

璞曰今東齊呼息爲咽則暨與咽古今字 按暨者

字之假借非古今字

而無永嘆

按傳民無長嘆猶文王之無侮也謂皇矣末章四方

以無侮也。孔冲遠譌作無悔云。即其德靡悔。非是。且其德靡悔。毛詩言王季非言文王。

何以舟之

按舟之言昭也。以玉瑤昭其有美德。以鞞琫昭其德之有度數。以容刀昭其有武事。

取厲取鍛

釋文說文云。礲厲石字。林大喚反。按今本說文誤作礲乎加反。毛傳礲鍛石也。鄭申之云。鍛石所以爲鍛質也。經當作礲。傳當作鍛石。今本經譌鍛。傳中脫礲字。毛云礲是鍛石。說文云礲是厲石。其說不同而

毛爲是

止旅迺密

傳密安也 按說文宐安也宐是正字密是假借字

密山如堂者也宐从宀必聲今俗讀宐子賤之宐如
伏者聲韻轉移正如苾芬孝祀韓詩作馥芬也宐子
賤之後爲漢伏生

芮鞠之即

周官經其川涇汭鄭注引詩汭坻之即漢書地理志
右扶風汭縣芮水出西北東入涇詩芮隄雍州川也
師古曰詩芮鞠之即韓詩作芮隄 按詩箋芮之言

內也周禮注及漢書皆以芮爲水名坵阮同鞠其假借字也

洞酌彼行潦

傳洞遠也 按說文迴遠也知是假洞爲迴

可以餠餠

正義引說文饋一蒸米也餠飯气流也今說文餠漚飯也或作饋或作餠

似先公曾矣

按當作適說文適迫也亦作適

弗祿爾康矣

傳第小也箋云第福爾雅被福也郭注引詩被祿康
矣按毛依爾雅釋言當作芾芾小也甘棠傳蔽芾
小貌鄭依爾雅釋詁以第爲被之假借

鳳皇于飛

說文引鳳皇于飛翩翩其羽唐石經鳳皇于飛鳳皇
鳴矣皆作皇按爾雅鷗鳳其雌皇說文鷗鳥也其
雌皇一曰鳳皇也顏元孫干祿字書皇鳳皇正字俗
作凰廣韻鳳凰本作皇詩傳雄曰鳳雌曰皇凡古書
皆作鳳皇絕無凰字凰字於字書無當考揚雄蜀都
賦有鷗字晉有鷗儀殿視凰字爲雅

離離喈喈

爾雅離離喈喈民協服也釋文離本或作雍又作靡
按說文邕四方有水自邕成池者離離鰥也靡天
子饗飲辟靡也離隸變爲雍借爲雍和雍塞辟雍而
辟靡本字亦借爲和義又別製噤噤雍等字漢蔡邕
字伯喈是漢人作邕邕喈喈也

慤不畏明

說文替曾也从日兢聲詩曰替不畏明 按詩慤莫
懲嗟胡慤莫懲慤不知其故皆且作替同音假借也
說文慤痛也義別

以謹懃懃

說文作𢇛懃今本說文釋文皆有脫誤

無然洩洩

五經文字洩本文從世緣廟諱偏旁今經典並准式
例變據此則洩本作𢇛洩本作洩𢇛本作𢇛說文無
洩𢇛𢇛字唐石經洩洩其羽桑者洩洩無然洩洩不
可從也

民之方殿屎

釋文殿說文作𢇛屎說文作𢇛爾雅殿屎𢇛也釋文
說文作𢇛𢇛五經文字說文作𢇛按今說文引詩

民之方唵呬玉篇廣韻亦作唵呬

民之多僻無自立辟

按傳辟法也之上不言辟僻也蓋漢時上作僻下作辟故箋云民之行多爲邪僻乃汝君臣之過無自謂所建爲法也各書徵引皆上僻下辟釋文亦云多僻匹亦反邪也立辟婢亦反法也自唐石經二字皆作辟而朱子併下字釋爲邪矣

及爾出王

傳王往 按以王爲往之假借也

侯作侯祝

按毛傳作祝詛也四字一句言侯作侯祝者謂作祝
詛之事也詛是祝之類故兼云詛經文三字不成句
故作字之下益侯字以成之詩中如此句法甚多如
迺慰迺止箋云乃安隱其居迺宣迺畝箋云時耕曰
宣乃時耕其田畝爰始爰謀箋云於是始與幽人之
從己者謀陸孔以毛傳作字爲逗祝詛也爲句大誤
女魚休于中國

按魚休之言狍鴞也山海經曰鈞吾之山有獸焉名
曰狍鴞是食人郭注爲物貪恣象在夏鼎左傳所謂
饕餮是也

內吳于中國

說文作𦍋从三大三目今詩作吳者隸省也或从三四从犬則非矣張衡左思賦內最肩之最即最之譌正義引張衡賦巨靈吳肩以流河曲
無言不讐

按當作左氏傳憂必雠焉之雠

尚不愧于屋漏

箋云屋小帳也 按此當作幄說文無幄字

淑慎爾止不愆于儀

按左氏襄三十年傳引詩淑慎爾止無載爾爲杜預

以爲逸詩然則非此詩之異文也

寶虹小子

傳虹潰也 按召旻蝨賊內訌傳同

秉心無競

韻補競其亮切開元五經文字讀僵去聲詩秉心無

兢無兢維人今作競

并云不逮

并蓋併字之假借

好是家嗇力民代食

按鄭不云稼穡當作家嗇則毛本作家嗇也傳云力

民代食無功者食天祿也鄭申其意而王肅所見之本誤衍一代字鑄堂按代字即王肅所增云代無功者食天祿也因曲爲之說曰有功力於民代無功者食天祿且改家嗇字从禾而不知代無功食天祿語最無理豈毛公而爲之乎

朋友已譖

箋云譖不信也則當作僭

鑄堂按正義本作僭釋經云僭差釋文譖本亦作僭

反予來赫

毛作赫鄭作嚇

涼曰不可

按釋文職涼毛音良薄也鄭音亮信也下同所云下同者即此涼曰之涼是陸本皆作涼也正義上云毛以爲下民之爲此無中和之行主爲偷薄之俗此云我以信言諫王曰汝所行者於理不可是孔本上章作涼此章作諒以上章鄭易涼爲諒而此章毛本作諒非關鄭易也唐石經上作涼此作諒蓋從孔本然由文義求之恐未得毛意

耗數下土

說文有耗無耗玉篇耗減也敗也引此詩廣韻耗俗作耗按箋云數敗也說文殫敗也引商書彛倫攸

殲與厭數字別

寧于我躬

戴先生云寧之言乃也

如煖如焚

章帝紀今時復旱如炎如焚章懷注引韓詩如炎如

焚按韓詩作炎爲善說文炎燎也傳云煖燎之也

蓋毛亦作炎也上文赫赫炎炎本或作煖是其明證

寧俾我遐

釋文本亦作遂按周易遐鄭作遂

則不我虞

按虞娛同字之假借也詩序云以禮自虞樂編堂按
度也夫會不度知我心箋云虞
不虞非度也閨宮無貳無虞箋云虞度也是毛詩虞
度字作虞出其東門聊可與娛毛傳娛樂也絲衣不
吳不敖毛傳吳譁也正義本作不娛云人自娛樂必
謹譁為聲是毛詩娛樂
字作娛二字不相假借

有嘒其星

說文譏聲也詩曰有譏其聲 按如史所云赤氣亘
天碎隱有聲之類也今作有嘒其星殆非

往迓王舅

唐韻正曰會言近止往迓王舅皆附近之近而非迓
也 按釋文於近字每云附近之近者皆以別諸上

聲之近遠而非別諸近字也古以遠近讀上聲親近
讀去聲往近王舅蓋言往已王舅也古音同部假借
此借近爲已傳以已訓近猶淇與借簣爲積傳以積
訓簣板借王爲往傳以往訓王箋又從而申明其說
耳詩彼其之子左傳引作彼已禮記引作彼記大叔
于田箋云忌辭也讀如彼已之子之已劉伯莊史記
音義云斤古其字玉篇斤古其字說文斤讀若箕近讀與記
同知其已記忌斤近字同在之哈部若近字乃在諄
文部音轉讀若幾讀若祈在脂微部如會言近止與
偕邇爲韻如周禮九畿故書作九近周易月幾望或

作近望是也諄文與脂微近與之哈相去甚遠不相
假借此詩如本近字則毛訓爲已鄭讀如記如何可
通故近爲近之譌其說不可易也

夙夜匪解

懈之假借

愛莫助之

按爾雅夔隱也從毛傳當作夔

鈎膺鏤錫

說文引作錫

按隸省作錫

鞞鞞淺幘

曲禮素箴注箴覆苓也釋文箴本又作幟疏引既夕
禮乘惡車白狗臂玉藻君羔臂虎犴注臂覆苓也疏
詩大雅韜駟淺幟毛傳云幟覆式幟即臂也又周禮
巾市作襦但古字耳三者同也少儀施諸臂注臂覆
苓也既夕禮鹿淺臂注臂覆苓周官經巾車犬襦鹿
淺襦然襦豸襦注襦覆苓也春秋公羊傳昭二十五
年以臂爲席何休注臂車覆苓按說文臂膝布也
从巾辟聲周禮曰駟車犬臂韓奕當同儀禮禮記作
臂車苓字以臂爲正幟襦皆假借字箴又幟之變

肇革金厄

按說文無簦有簦云鐵也一曰轡首銅也从金攸聲
石鼓詩四車既安之下有簦勒字焦山周鼎有攸勒
字博古圖周宰辟父敦銘三皆有攸革字薛尚功鍾
鼎款識周伯姬鼎有攸勒字寅簠有簦勒字疑毛詩
輶革皆簦勒之譌簦勒猶唐宋人所云金勒古鐘鼎
簦省作攸後人不知爲簦之省輒製攸下从革之字
蓼蕭傳簦轡也轡下落首飾二字簦所以飾轡首下
云沖沖垂飾貌正謂此飾也革者勒之省轡首謂之
勒勒馬頭絡銜所以繫轡故曰轡首孔氏釋轡首云
馬轡所靶之外有餘而垂甚誤載見輶勒有鷩傳有

鶴謂有法度也玉篇鞮鞻也亦作鞮鞻鞻也勒也亦作革鞮同鞮廣韻鞮鞻頭銅飾又按爾雅鞮首謂之作革鞮同鞮廣韻鞮鞻頭銅飾又按爾雅鞮首謂之革郭注鞮鞻勒也當云鞮鞻也革勒也說文鞮馬鞮也鞮鞻革也勒馬頭絡銜也羈馬絡頭也勒馬羈也銜馬勒口中也鑣馬銜也絡頭銜口統謂之勒所以繫鞮故曰鞮首鞮革爲人所把故曰鞮漢書王良執鞮吳都賦回鞮今人曰扯手亦曰鞮頭古之鞮也鞮也皆自人所把言之也今人曰籠頭曰嚼口古之鞮首也勒也羈勒也銜也皆自馬首言之也鄴中記曰石虎諱勒呼馬勒爲鞮見廣韻知鞮勒本爲二物又按

箋於采芑云輦革轡首垂也於韓奕云輦革謂轡也
於載見云輦革轡首也絕無定說而采芑尤誤轡可
言垂轡首不可言垂矣於載見云鎗金飾貌合於以
鑒飾勒之言說文輶大車扼也

考工記作輶說文作輶西京賦商旅

聯輶潘安仁傳發輶寫鞍

輶輶前也輶輶下曲者左傳襄十四年

射兩輶而還服注車輶兩邊義馬頸者杜注車輶卷

者昭二十六年射之中輶瓦繇胸汰輶輶入者三寸

杜注入楯瓦也胸車輶

胸即輶之假借

小爾雅衡輶也輶上

者謂之烏啄

當作輶上烏啄下者謂之烏啄

釋名馬曰烏啄下向義

馬頸似烏開口向下啄物時也戴先生釋車輶謂之

衡衡下鳥啄謂之軻大車謂之軛謂之鬲按此詩作

厄者軛之假借傳厄鳥嚼也鳥嚼即小爾雅釋名之

鳥啄也

古啄嚼通用如爾雅生嚼維王逸九歎注引作生啄

釋文嚼沈音晝是

沈重讀不濡其嚼之嚼陸氏雖誤引爾雅而云嚼爾

雅作蠋是陸尙未譌爲蠋也韞以爲靷競以爲鬲鑒

以飾勒金以飾軛本四事也徐廣曰棨輿車文虎伏

軾龍首衡軛

續漢輿服志作銜軛

索隱曰謂金飾衡軛爲龍按

文虎伏軾即經之競臂金飾衡軛即經之金軛鄭箋

不用毛說以厄爲楹之假借云鑒革轡也以金爲小

環往往纏楹其轡合鑒革金厄爲一事正義乃以嚼

譌蠋妄云厄烏蠋爾雅釋蟲文厄大蟲如指似蠶金
 厄者以金接轡之端如厄蟲然其說致爲無理爾雅
 蛇螭蠋字皆从虫與毛傳厄烏蠋奚翅風馬牛不相
 及陸孔之牽合誤甚或曰上文曰錯衡矣又曰金軛
 不爲複與曰衡謂橫木軛謂下向又馬頸之鞵史記
 索隱引崔浩云衡車扼上橫木也是衡爲一物扼即
 鞵爲一物也屈原賦戴氏注云軛衡下兩鞵也衡亦
 通謂之軛又士喪禮楔貌如軛上兩末疏云如馬鞅
 軛馬領鄭注云今文軛作厄此可見軛爲正字厄爲
 假借不識箋詩何以不知厄即軛也

出宿于屠

說文鄱左馮翊鄱陽亭 按言左馮翊鄱陽縣之鄱

亭也一本作鄱陽亭誤困學紀聞所引同誤

鮑鼈鮮魚

說文鮮魚名鼈新魚精也 按周官經鼈鼈

其𦵏維何

說文𦵏鼎實惟葦及蒲或作𦵏从食束聲

韓侯顧之

傳顧之曲顧道義也惠定宇曰列女傳齊孝公迎華
氏之長女孟姬於其父母三顧而出親授之綏自御

輪三曲顧姬輿遂納於宮淮南子汜論昔蒼梧繞娶妻而美以讓兄此所謂忠愛而不可行也高誘注蒼梧繞乃孔子時人以妻美好推與其兄於兄則愛矣而違親迎曲顧之義故曰不可行也 按白虎通亦曰必親迎御輪三周下車曲顧者防淫佚也

絲絲翼翼

按常武載芟之絲絲韓詩皆作民民小旻絲之膳韓詩皆作腓知四家詩字各有義例

懿厥哲婦

按此借懿爲噫與十月之交借抑爲噫同也抑懿同

在十二部入聲大雅抑外傳作懿

舍爾介狄

傳狄遠也 按以爲逃之假借

不弔不祥

箋云弔至也 按鄭作通

草不潰茂

按毛云潰遂也與是用不潰于成傳同箋云潰當作

彙非

職兄斯引

傳兄茲也 按桑柔傳兄茲也常棣傳況茲也並同

韋昭國語注沉益也說文茲艸木多益也

詩經小學卷第三

臧輔堂錄

詩經小學卷第四

金壇段氏

頌

假以溢我

按爾雅溢慎謐靜也又悲神溢慎也尙書惟刑之恤
史記作惟刑之靜徐廣曰今文尙書作惟刑之謐此
詩或作謐或作溢或作恤皆靜慎之意也作譏作何
作假乃是異文左傳引詩何以恤我杜注云逸詩不
以爲此篇異文朱子集傳合爲一是也而文王之神
何以恤我其訓非也

維周之祺

按此從古本作祺作禎者恐是改易取韻

鏞堂按正義曰定本

集注祺字作禎是毛詩作維周之禎三家詩作惟周之祺爾雅祺祥也某氏注引詩可證

天作高山大王荒之

傳大王行道能安天之所作也

按此傳有脫文當

云大王行道能大之文王又能安天之所作也鄭箋

彼作謂萬民毛公則仍承首句作字正義云毛以爲

大王居岐長大此天所生者彼萬民居岐邦築作宮

室者文王則能安之孔訓彼作失傳意而可證毛傳

有脫荒訓大康訓安也國語鄭叔詹曰周頌天作高

山大王荒之荒大之也大天所生可謂親有天矣荀子王制篇引詩天作高山大王荒之彼作矣文王康之楊倞注荒大也康安也言天作此高山大王則能尊大之文王又能安之天論篇引此詩注亦云大王能尊大岐山皆可證

既右饗之

按俗本作享非經典凡獻於上曰享食所獻曰饗如楚茨以享以祀下曰神保是饗此我將我享下曰既右饗之閔宮享以騂犧下曰是饗是宜尤顯然可證懷柔百神

按宋書樂志宋明堂歌謝莊造登歌詞曰昭事先聖
懷濡上靈然則六朝時本作懷濡百神也柔濡古音
同是假濡爲柔當從集注本作濡注爾雅者引懷柔
百神易其字也

繡堂按毛詩作懷濡三家詩作懷
柔樊光注爾雅引用皆非毛詩

貽我來牟

說文來周所受瑞麥來麤一束

作束誤

二縫象芒束之

形天所來也故爲行來之來詩曰貽我來麤 按一
束二縫或作一束二縫或作一來二縫而正義引說
文作一麥二秝均不可解考廣韻引埤蒼作一麥二
稭亦有誤當作二麥一稭乃合一稭二米者后稷之

嘉穀也一稗二麥者后稷之瑞麥也三苗同穗者成

王之嘉禾也

見尚書大傳

芻出上合者漢時之奇木也說

文當作二麥一稗二一互誤稗縫者音之譌又从束者象其芒束之形一束二稗言二麥同一穎芒也

鞞磬祝圉

說文敔禁也一曰樂器桎梏也形如木虎从攴吾聲和鈴央央

東京賦和鈴缺缺李引毛詩和鈴缺缺玉篇廣韻缺鈴聲

佛時仔肩

傳佛大也 按此以佛為廢之假借古廢佛音同釋

詁廢大也四月廢為殘賊傳廢大也用正字此佛時

仔肩用假借字箋云佛輔也又以為弼之假借鋪堂按此

以佛為廢之假借四月則以廢為快之假借古廢佛快皆同部聲相近

莫子莽蜂

爾雅𠂔𠂔𠂔𠂔也 按毛傳作瘳𠂔說文瘳引縱也

有略其耜

爾雅𠂔利也釋文𠂔詩作略 按說文𠂔刀𠂔刃也

籀文作𠂔

有俶其馨

按傳云餽芬香貌

舊作也

俶猶餽也俶字正取其香始

升芬芳酷烈之意與餽字相配若作椒爲物與餽字異類傳不得云猶餽也詩言有苑有頤有鴈有敦瓜苦有俶其城句意皆同今從沈作俶字餽言香之貌也俶言馨之貌也

有抹其角

當作齮

不吳不敖

按方言吳大也吳之爲大於聲求之大言爲吳物之大者亦曰吳屈賦齊吳榜以擊汰王逸注齊舉大權

也

我龍受之

傳龍和也

按此及長發毛以龍爲離之假借故曰

和也

婁豐年

今本作屢釋文唐石經作婁宋婁機班馬字類引詩

婁豐年角弓釋文婁本亦作屢

駟駟牡馬

考周官馬政絕無郊祀朝聘有騶無驂之說校人職云凡馬特居四之一鄭司農云三牝一牡康成云欲

其乘之性相似也此云凡馬兼指六種五路之馬又
康成計王馬之大數而引詩駉牝三千何嘗謂五路
之馬無驂歟良馬通謂五路之馬倘皆無驂則通淫
游牝豈專爲駉馬良馬豈皆駉母所生康成何以云
種馬謂上善似母者也今俗以驂騮爲良自是尙力
五路之馬皆不尙強且序云牧于坰野傳云牧之坰
野則駉駉然正義云駉駉然腹幹肥張者所牧養之
良馬也經文作牧爲是顏氏說誤據釋文則今本說
文駉下引駉駉四牡唐時本作駉駉牡馬與今詩絕
異云說文作驪不可考

在坳之野

說文駟牧馬苑也詩曰在駟之野 按許意言在駟之野卽在野之駟倒句以就韻

有駟有皇

爾雅黃白驪 按說文駟下引詩有駟有驪而無驪字蓋或有闕遺

薄采其茆

廣韻三十一巧茆梟葵說文作葍音柳又四十四有引詩言采其茆

狄彼東南

按抑用遏蠻方傳遏遠也左傳糾逃王慝

食我桑黹

說文黹桑甚之黑也 按當同衛風作甚

憬彼淮夷

說文憬讀若詩云穡彼淮夷之穡 按釋文憬說文作慮今說文慮下不引此詩蓋穡當爲慮也

閔宮有恤

箋云閔神也 按說文祕神也鄭以閔爲祕之假借

植穉菽麥

郭注方言穉古稚字五經文字云說文作穉字林作

釋說文植下引詩植稚未麥

實始翦商

說文戡滅也引詩實始戡商 按傳翦齊也毛意正

當作蒯

保有鳧繹

尚書及說文作嶧爾雅屬者嶧

庸鼓有斃

傳大鍾曰庸爾雅大鍾謂之鏞說文大鍾謂之鏞

鏞堂

按古文尚書笙庸以間作庸與毛詩合又爾雅李巡注曰大鍾音聲大鏞大也孫炎注曰鏞深長之聲是古本爾雅亦祇作庸金旁蓋後來所加

執事有恪

說文作憲从心客聲

既戒既平

傳戒至 按此以戒爲屈之假借字也屈訓至而戒不訓至戒在一部屈在十五部異部假借也爾雅艘至也艘說文讀若葦郭注方言艘古屈字亦合二字爲一本非一字也

駸假無言

傳駸總假大也 按言駸爲忽之假借字駸釜屬孔冲遠云駸總古今字非也又禮記嘏長也大也卷阿

傳嘏大也賔筵傳嘏大也此本字也那傳假大也烈
祖傳假大也皆以假爲嘏之假借字也楚茨傳格來
也抑傳格至也此本字也雲漢傳假至也泮水傳假
至也烝民元鳥長發義同此皆以假爲格之假借字
也

奄有九有

韓詩作九域 按有古音如以域爲其入聲毛公曰
囿所以域養禽獸也囿域亦於音求之

受命不殆在武丁孫子

按大戴禮用兵篇引詩校德不塞嗣武于孫子盧注

以爲逸詩恐即二句之異文也

邦畿千里

尚書大傳圻者天子之竟也諸侯曰竟鄭注周禮方

千里曰王圻詩曰邦圻千里惟民所止

見路史國名紀信儀禮經

傳通解續

爲下國綴旒

說文游旌旗之流也从舡浮聲旒旌旗之流也从舡

攸聲無旒字

敷政優優

說文心部惠愁也从心从頁欠部憂和之行也从欠

息聲詩曰布政憂憂 按俗以憂爲息愁字

不難不竦

傳竦懼也 按當作懍說文懍懼也雙省聲

實左右商王

俗有佐佑字說文所無

采入其阻

說文网部采周行也从网米聲引此詩五經文字說
文作采隸省作采見詩 按今隸應作采各本作采
或作采誤又廣韻采畧也采采入也冒也周行也分
別誤

方斲是虔

傳虔敬也箋云椹謂之虔 按爾雅椹謂之椹釋文
椹本亦作虔然則爾雅本有止作虔者

詩經小學卷第四

臧鏞堂錄

甘泉 林慰曾同校